



Siverth K. Heilmann

UKA 2022/28-1

Atassut

25. oktober 2022

Namminersorlutik Oqartussat umiarsualivinnut Immikkoortunut pilersaarutaat 2017-2027-imoortoq tunngavigalugu umiarsualiviit aserfallatsaalineqarnerinut, ineriartorteqqinnerinut ingutserneqarnerinullu pingaarnersiuinermut pilersaarummik, qanorlu siunissami aserfallat-saaliinermut aningaasartuutissanik kinguaattoorfiunnginnissaanut periarfissanik imaqartu-mik Naalackersuisut suliaqaqqullugit peqquneqarnissaannik Inatsisartut aalajangiiffigisas-saattut siunnersuut.

(Inatsisartuni ilaasortaq Harald Bianco, Inuit Ataqatigiit)

Siullermik siunnersuuteqartoq umiarsualiviit aserfallatsaalineqarnerinut ineriartorteqqinnerinut tunngassuteqartumik siunnersuuteqarninnut qujanaq, imatullu Atassummiit oqaaseqarfigissavarput.

Siunnersuuteqartoq ilumoorpoq Nunatsinni umiarsualiviit aserfallatsaalineqarnerinut ineriartorteq-qinnerinut ingutserneqarnerinullu tunngatillugu siunissami inatsisartuni aningaasaliinerusoqartaria-qaraluartoq. Illoqarfinnimi nunaqarfippassuarnilu nutaaliornissamut aserfallatsaaliinissanullu anin-gaasat amerlaqisut pisariaqartinneqarmata.

Nunatta aningaasarsiornera massakkornit annertusarnissaanut imartatsinni nunamilu, qangaaniilli Atassummiit periarfissagissaarluta oqariartuuteqartuaraluarnitsinnut, innuttaasut politikkerillu kissaaterpassuvinut aningaasassaaleqilernissatsinnut siulittuutigisakkagut alliartuinnarnerinut takus-sutissat ilagiinnarpaat.

Pinngortitap allanngorarnera, immap tinittarnera ulerujussuarterneranillu suut ajornartorsiutaalers-ussat eqqumaffigisassallu pillugit, nunaqarfiit ilaanni talittarfiit tininngatillugu taliffigineqarsin-naangitsut, sanaartornerup iluarsartuussinerulluunniit nalaani nakkutilliinerup pitsaannerunissaa, maani inimi Atassut sinnerlugu apuussaqaartarnikka eqqaasissutigiinnassavakka.

Siunnersuuteqartup Tasiilap umiarsualiviata talittarfianilumi pajuttaatit usingiarniarnerminni ajor-nartorsiuteqartarsimanerininik tikkuagai ilisarnaqaat, iluarsartuussinissamillu pisariaqartitsinerat

Atassummiit paasilluarparput aammalu aningaasaliissutaasartut naammanginnerannik tikkuaanera isumaqatigilluinnarlugu.

Taamatut Atassummiit naatsumik oqaaseqarfigalugu, suliap aappassaaneerneqartigani ataatsimiititaliamut susasaqartumut ingerlateqqaarnissaa inassutigaarput. Ataatsimiititaliallu sulilluarnissaanik kissaallugu.

Qujanaq.